



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: UP-1/21-3-379-6/22
Datum: 20.10.2022. godine

«Agencija za vodno područje rijeke Save» Sarajevo (u daljem tekstu AVP Sava) rješavajući po zahtjevu Investitora Halilčević Omera iz Kalesije za donošenje rješenja o vodnoj dozvoli za ispuštanje tehnoloških otpadnih voda u prirodni recipijent iz objekta autopraonice sa vulkanizerskom radnjom, izgrađenog u naselju Vukovije Gornje, općina Kalesija, na osnovu člana 129. stav (2) Zakona o upravnom postupku («Službene novine Federacije BiH», broj 2/98, 48/99 i 61/22) donosi

ZAKLJUČAK

Obustavlja se postupak pokrenut po zahtjevu Halilčević Omera iz Kalesije za donošenje rješenja o vodnoj dozvoli za ispuštanje tehnoloških otpadnih voda u prirodni recipijent iz objekta autopraonice sa vulkanizerskom radnjom, izgrađenog u naselju Vukovije Gornje, općina Kalesija zbog odustanka stranke od zahtjeva.

Obrazloženje

Po zahtjevu Investitora Halilčević Omera iz Kalesije, zaprimljenim u AVP Sava dana 27.07.2022., pokrenut je postupak za izdavanje vodne dozvole za ispuštanje tehnoloških otpadnih voda u prirodni recipijent iz objekta autopraonice sa vulkanizerskom radnjom, izgrađenog u naselju Vukovije Gornje, općina Kalesija.

Razmatrajući predmetni zahtjev i priloženu dokumentaciju utvrđeno je, da je priložena sva dokumentacija propisana odredbama člana 12. i 19. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH” broj 31/15, 55/19, 41/20 i 63/22).

U skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata dana 02.09.2022. godine izvršen je uviđaj na predmetnoj lokaciji, o čemu je sačinjen Zapisnik broj: UP-1/21-3-40-379-2/22.

U toku obavljanja uviđaja na licu mjesta utvrđeno je, da izvedeno stanje autopraonice sa vulkanizerskom radnjom ne odgovara tehničkom rješenju datom u tehničkoj dokumentaciji ovjerenoj od strane ove Agencije i na koju je izdata vodna saglasnost broj: UP-I/25-2-40-055-5/21 od 16.04.2021. godine, odnosno nisu ispunjeni uslovi propisani tačkom 1. predmetne vodne saglasnosti. Prema članu 116. stav 2. Zakona o vodama u postupku izdavanja vodne dozvole utvrđeno je da su nispunjeni uvjeti određeni vodnom saglasnošću, a što je obaveza podnosioca zahtjeva. Stanje na terenu ne odgovara rješenju datom u projektnoj dokumentaciji na koju je data saglasnost.

U toku postupka po tom zahtjevu, Investitor Halilčević Omer se dana 29.09.2022., pismeno obratio Agenciji sa Izjavom o odustajanju od zahtjeva za izdavanje vodne dozvole.

Nakon realizacije radova na izgradnji objekta autopraonice sa vulkanizerskom radnjom za koji podnosilac zahtjeva ima ishodovanu vodnu saglasnost, steći će se uslovi za ponovno pokretanje postupka donošenja vodne dozvole.

Na osnovu navedenog, a u skladu sa 129. stav 2. Zakona o upravnom postupku riješeno je kao u dispozitivu ovog Zaključka.

POUKA O PRAVNOM LIJEKU:


Protiv ovog zaključka može se izjaviti posebna žalba Federalnom ministarstvu poljoprivrede, vodoprivrede i šumarstva – Sarajevo, u roku od 15 (petnaest) dana od dana prijema ovog zaključka.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka:

Meho Čaušević B.Sc.ing.građ.

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- Halilčević Omer, ul. Vukovije Gornje bb 75260 Kalesija (sa prilogom)
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava